

სიღნაღის მუნიციპალიტეტის საკრებულოს წევრის, საკრებულოს თავმჯდომარის ილია ხატიაშვილის ანგარიში 2019 წ 1 ნოემბრიდან 2020 წლის 30 ოქტომბრამდე გაწეული მუშაობის შესახებ.

როგორც მოგეხსენებათ, სიღნაღის მუნიციპალიტეტის მეოთხე მოწვევის საკრებულო მუშაობას შეუდგა 2017 წლის 20 ნოემბრიდან. ამ პერიოდიდან ვარ საკრებულოს თავმჯდომარე.

როგორც საკრებულოს წევრი და საკრებულოს თავმჯდომარე, ჩემი საქმიანობისას ვხელმძღვანელობ საქართველოს კონსტიტუციით, საქართველოს ორგანული კანონით „ადგილობრივი თვითმმართველობის კოდექსი“, საკრებულოს რეგლამენტითა და სხვა ნორმატიული აქტებით. შესაბამისად, საქმიანობას წარვმართავ იმ უფლებამოსილებათა ფარგლებში, რასაც ითვალისწინებს მოქმედი კანონმდებლობა. სწორედ ეს განაპირობებს ჩემს მუშაობას, რომლის მთავარი მიმართულებაა ადგილობრივ დონეზე პოლიტიკური პროცესების მართვა, მოსახლეობისა და საკრებულოს ინტერესების გათვალისწინება და მიღებული ნდობის შენარჩუნება.

ვცდილობ საკრებულოში ყველა გადაწყვეტილება მიღებული იქნეს მოსახლეობის დაკვეთით, მათი ინტერესების გათვალისწინებით. მუნიციპალიტეტის საკრებულო არის ღია და გახსნილი ორგანო, სადაც ყველას მოქმედი კანონმდებლობითა და დემოკრატიული პრინციპების მაქსიმალური დაცვით შეუძლია, წარუდგინოს საკუთარი მოსაზრებები, როგორც საკრებულოს მიერ მიღებული გადაწყვეტილებების, ისე ზოგადად საკრებულოს მუშაობის შესახებ. მაქსიმალურად ვცილობთ უზრუნველვყოთ საზოგადოების ინფორმირება მუნიციპალიტეტში მიმდინარე პროცესების შესახებ. (ინფორმაცია ქვეყნდება ოფიციალურ ვებგვერდზე).

საანგარიშო პერიოდში მქონდა ინდივიდუალური შეხვედრები მოქალაქეებთან, რომელთაც ნებისმიერ დროს შეუძლიათ მოსვლა საკრებულოში და გაგვიზიარონ თავიანთი გულისტკივილი და პრობლემები. ისინი არ არიან შეზღუდული მიღების საათებით, ასევე მოვიარე ყველა ადმინისტრაციული ერთეული, შევხვდი უშუალოდ ხალხს და მათგან მოვისმინე არსებული პრობლემები. რაც ძირითადად ეხებოდა: სოციალურ საკითხებს, საუბნო და სასოფლო-სამეურნეო სავარგულამდე მისასვლელი გზების სარეაბილიტაციო სამუშაოებს, სასმელი წყლის სისტემის მოწყობას, სავარგულებში სადრენაჟე სარწყავი არხების დამონტაჟებას, შიდა საუბნო გზების მოასფალტებასა და გარეგანათების მოწყობას.

ჩემთვის როგორც საკრებულოს წევრისთვის მნიშვნელოვანია ყველა ის პრობლემა თუ გამოწვევა, რომლის წინაშეც დგას ჩვენი მუნიციპალიტეტი. ეს იქნება ჯანდაცვასთან დაკავშირებული საკითხები თუ აუცილებელი ინფრასტრუქტურული პროექტების განხორციელება, აქტიურად ვმონაწილეობ მათ განხილვასა და გადაჭრის გზების მოძიებაში.

მეოთხე მოწვევის სიღნაღის მუნიციპალიტეტის საკრებულოს მუშაობა 2020 წლის განმავლობაში იყო ნაყოფიერი. საკრებულო აქტიურად თანამშრომლობს სიღნაღის მუნიციპალიტეტის აღმასრულებელ ორგანოსთან, ერთობლივი მუშაობით მიღებული იქნა მნიშვნელოვანი გადაწყვეტილებები, რომლის განხორციელება ხელს უწყობს მოსახლეობის სოციალურ-ეკონომიკურ განვითარებას. პრაქტიკამ ცხადყო, რომ კანონშემოქმედებით საქმიანობას სჭირდება პროცედურების მაქსიმალურად დაცვა და პუნქტუალობა, საკითხების მომზადებაში არამარტო დაინტერესებული მხარეების, არამედ საკრებულოს თითოეული წევრის მეტი ჩართულობა, რაც ამცირებს ხარვეზებისა და შეცდომების დაშვების შესაძლებლობას. საკრებულოს მიერ მიღებული იქნა ისეთი მნიშვნელოვანი გადაწყვეტილებები როგორცაა: ადგილობრივი თვითმმართველობის ბიუჯეტი, ჯანმრთელობის დაცვის ღონისძიებების პროგრამების დამტკიცება და სხვა.

შეიძლება ითქვას, რომ საკრებულომ თავისი საქმიანობის პროცესში მნიშვნელოვნად სრულყო მუშაობა რეგლამენტის შესაბამისად. კერძოდ, ეს ეხება საკრებულოს სხდომაზე განსახილველი საკითხების კომისიებში წინასწარ განხილვას, საკითხებზე შესაბამისი დასკვნების მომზადებას, ოქმების წარმოებას და ა.შ.

საანგარიშო პერიოდში ჩატარებულია საკრებულოს 14 სხდომა, ვესწრებოდი - 14 ს.

მიმაჩნია, რომ განვლილ საანგარიშო პერიოდში დაგროვილი გამოცდილების გათვალისწინებით უფრო აქტიური და ნაყოფიერი გახდება ჩემი, როგორც საკრებულოს წევრისა და საკრებულოს თავმჯდომარის საქმიანობა.

30. 10 .2020 წ

ილია ხატიაშვილი

ხელმოწერა:

